



Na osnovu člana 68. stav 3. Zakona o organizaciji organa uprave Federacije Bosne i Hercegovine („Službene novine Federacije BiH“ broj: 35/05) i Zaključka o usvajanju Programa utroška sredstava Fonda za zaštitu okoline za 2020. godinu broj: 02-11-10238/19 od 18.06.2020., Ministarstvo za prostorno uređenje, promet i komunikacije i zaštitu okoline Zeničko-dobojskog kantona, d o n o s i:

## **I N S T R U K C I J U**

### **o utvrđivanju uvjeta i kriterija za raspodjelu namjenskih sredstava zaštite okoliša**

#### **I.**

Ovom Instrukcijom propisuju se uvjeti za raspodjelu sredstava po javnom pozivu, kao i kriteriji za ocjenjivanje prijave po javnom pozivu za dodjelu sredstava za realizaciju programa, projekata i sličnih aktivnosti iz područja zaštite okoliša.

#### **II.**

Za dodjelu sredstava koja se vrši po javnom pozivu, javni poziv se objavljuje u printanim i elektronskim medijima, „Službenim novinama Zeničko-dobojskog kantona“ i na zvaničnoj web stranici Zeničko-dobojskog kantona. Tekst javnog konkursa sadrži:

1. Predmet javnog konkursa,
2. Uslove koje podnosioci prijave moraju ispunjavati,
3. Korisnike sredstava koji imaju pravo na podnošenje prijave,
4. Popis dokumenata koje je potrebno priložiti uz prijavu,
5. Osnovne kriterije odabira,
6. Vrednovanje projekata,
7. Opće odredbe.

Ministarstvo objavljuje javni poziv za pojedine korisnike sredstava, u pravilu najmanje jednom u kalendarskoj godini u skladu sa Programom utroška sredstava Fonda za zaštitu okoline kojeg usvoji Vlada Kantona za tekuću godinu. Javni poziv može obuhvatiti sva područja zaštite okoliša ili samo određena područja u skladu sa Programom utroška sredstava Fonda za zaštitu okoline.

Ako se na temelju prihvaćenih prijava ne iskoriste sva finansijska sredstva planirana za programe i projekte utvrđene javnim pozivom, može se tokom godine za istu namjenu raspisati novi javni poziv.

#### **III.**

Pravo učešća u javnom pozivu imaju sve općine i gradovi, komunalna preduzeća, nevladine organizacije, udruženja građana, javne ustanove, obrazovne institucije, obdaništa, medijske kuće.

Pravna lica kojima se dodjeljuju finansijska sredstva moraju ispunjavati sljedeće uslove:

1. Da imaju sjedište na teritoriji Federacije BiH,
2. Da aplicirane projekte realiziraju/implementiraju na području Zeničko-dobojskog kantona,
3. Podnesu zahtjev za korištenje finansijskih sredstava u skladu sa objavljenim Javnim pozivom,
4. Da su dostavili izvještaj o utrošku finansijskih sredstava, dodijeljenih po ranijim javnim pozivima ovog Ministarstva.
5. Uovoljavaju i drugim uslovima utvrđenim Javnim pozivom,

Prijave programa/projekata Korisnika dostavljaju se na posebnom prijavnim obrascu i treba da sadrže:

1. Ime aplikanta/podnosioca prijave,
2. Naziv i opis projekta,
3. Finansijske podatke o projektu koji je predmet prijave,
4. Ciljeve projekta,
5. Aktivnosti koje će se provesti da bi se postigli postavljeni ciljevi,
6. Dinamiku provođenja projekta,
7. Finansijsku analizu,
8. Opis očekivanih rezultata projekta,
9. Mjerljivost ostvarenja ciljeva koji se postižu realizacijom predloženog projekta,
10. Monitoring i evaluaciju projekta.

Sredstva iz Javnog poziva dodjeljuju se na osnovu zahtjeva i obavezne dokumentacije.

Svi dokumenti koji se predaju uz zahtjev kao osnovna dokumentacija moraju biti originali ili ovjerene kopije.

Posebna dokumentacija mora biti pregledna, vjerodostojna i tehnički korektna.

Nekompletni zahtjevi se neće razmatrati.

Dokumenti koji se šalju na Javni poziv se ne vraćaju aplikantu.

Aplikanti moraju projekat realizirati na području Zeničko-dobojskog kantona.

Obavezna dokumentacija mora sadržavati:

- Prijavu projekta na Javni konkurs - popunjen i potpisan obrazac od strane odgovornog lica (preuzima se sa web stranice: [www.zdk.ba/javni-pozivi](http://www.zdk.ba/javni-pozivi)).
- Ovjerenu izjavu o namjenskom trošenju sredstava (ovjerena kod nadležnog organa uprave ili notara), ne stariju od mjesec dana.
- Ako se radi o sufinansiranju, ovjerenu izjavu o visini sredstava s kojima će aplikant učestvovati u sufinansiranju realizacije projekta koji predlaže (ovjerena kod nadležnog organa uprave ili notara), ne stariju od mjesec dana.
- Izvod iz Rješenja o upisu u Registar udruženja ne stariji od dva mjeseca – samo za LOT 2.
- Uvjerenje o poreskoj registraciji - ID broj i PDV broj ukoliko su PDV obveznici, ne starije od tri mjeseca.

#### IV.

**Prijedlog raspodjele sredstava za Projekte čišćenja i sanacije divljih deponija-LOT 1 - Transferi drugim nivoima vlasti, daje komisija imenovana od strane ministra, cijeneći pri tome ukupan broj bodova utvrđenih na osnovu sljedećih kriterija:**

1. Pripremljenost projekta (usklađena i dobro definirana stručna priroda projekta, detaljno razrađena metodologija, stepen pripremljenosti za početak radova, i sl.). (do 20 bodova)
  - Djelomično - 1-10 bodova
  - Zadovoljavajuće - 11-20 bodova
2. Usklađenost planiranih aktivnosti sa relevantnim strateškim dokumentima (Federalnom strategijom zaštite okoliša 2008-2018, Planom upravljanja otpadom Zeničko-dobojskog kantona i Kantonalnim ekološkim akcionim planom zaštite okoliša Zeničko-dobojskog kantona za period 2017. - 2025. godina) i prioritetnim područjima. (do 15 bodova)
  - Djelomično - 1-7 bodova
  - Zadovoljavajuće - 8-15 bodova
3. Kapaciteti aplikanta koji podnosi zahtjev za realizaciju projekta (ljudski resursi predviđeni za realizaciju projekta, angažiranje vanjskih konsultanata, referense aplikanta i navedenih partnera u pogledu realizacije projekta i sl.) (do 15 bodova)

- Ukupan broj angažovanog osoblja – 1-10 bodova
  - Dosadašnje iskustvo u realizaciji projekata zaštite okoline- 1-5 bodova
4. Socio-ekološki pokazatelji i stepen ugroženosti okoliša (značaj projekta i očekivanih rezultata predloženog projekta na smanjenje onečišćenja okoliša i negativnog utjecaja na okoliš, te uticaja na život i zdravlje stanovnika, doprinos poboljšanju kvaliteta života i stanovanja). (do 15 bodova)
    - Djelomično prihvatljivo (srednji nivo)- 1-7 bodova
    - Prihvatljivo (visok nivo) - 8-15 bodova
  5. Stepenn povoljnog uticaja na okoliš i održivost projekta (očekivano poboljšanje kvaliteta okoliša, širi korisni uticaj projekta na okruženje i sl.). (do 15 bodova)
    - Očekivani pozitivni efekti 1-10 bodova
    - Samoodrživost projekta 1-3 bodova
    - Širi učinak projekta na okruženje 1-2 bodova
  6. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona. (do 10 bodova)
    - Ukupan broj dostavljenih izvještaja – 1-7 bodova
    - Blagovremenost izvještavanja 1-3 bodova
  7. Obezbjedenje sredstava od strane korisnika u odnosu na ukupno potrebnu finansijsku konstrukciju. (do 10 bodova)
    - Vlastiti doprinos aplikanta ili sufinansiranje od strane drugih donatora – 1-10 bodova

Maksimalni iznos sredstava koja se mogu dodijeliti po projektu je 70.000,00 KM.

**Prijedlog raspodjele sredstava za Projekte iz oblasti zaštite okoliša-LOT 2 –Tekući transferi neprofitnim organizacijama, daje komisija imenovana od strane ministra, cijeneći pri tome ukupan broj bodova utvrđenih na osnovu sljedećih kriterija:**

1. Pripremljenost projekta u skladu sa zahtjevanim sadržajem programa (sveobuhvatnost, projektno partnerstvo, broj korisnika i obuhvat populacije, angažman volontera ili nezaposlenih, ciljna grupa kojoj je projekat namijenjen, usklađenost sa Akcionim planom i Strateškim dokumentima). (do 20 bodova)
  - Djelomično - 1-10 bodova
  - Zadovoljavajuće - 11-20 bodova
2. Realnost budžeta i vlastito učešće. (do 15 bodova)
  - Realnost budžeta, vlastiti doprinos aplikanta ili sufinansiranje od strane drugih donatora – 1-15 bodova
3. Stepenn ugroženosti okoliša u postojećem stanju, koji je predmet projektnog zadatka. (do 15 bodova)
  - Nizak nivo ugroženosti – 1-3 bodova
  - Srednji nivo ugroženosti- 4-10 bodova
  - Visok nivo ugroženosti - 11-15 bodova
4. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona. (do 10 bodova)
  - Ukupan broj dostavljenih izvještaja – 1-7 bodova
  - Blagovremenost izvještavanja 1-3 bodova

5. Referentna lista već implementiranih sličnih projekata. ( do 10 bodova)
  - Realizirani projekti finansirani od strane ovog Ministarstva ili drugih donatora 1-10 bodova
6. Rokovi za realizaciju, spisak i reference eksperata koji će biti angažirani na realizaciji projekta. ( do 10 bodova)
  - Predviđeni rok za realizaciju projekta- 1-5 bodova
  - Ukupan broj angažovanog osoblja - 1-5 bodova
7. Mjerljivi efekti kao što su: originalnost u pristupu promotivnim i edukativnim aktivnostima, inicijative u slabije razvijenim zajednicama i učinak projekta na okruženje i zajednicu. ( do 10 bodova)
  - Djelomično prihvatljivo (srednji nivo)- 1-5 bodova
  - Prihvatljivo (visok nivo) - 6-10 bodova
8. Kvalitet javne prezentacije i promocije projekta. ( do 10 bodova)
  - Djelomično prihvatljivo (srednji nivo)- 1-5 bodova
  - Prihvatljivo (visok nivo) - 6-10 bodova

Maksimalni iznos sredstava koja se mogu dodijeliti po projektu je 5.000,00 KM.

Da bi bila prihvatljiva, prijava treba da bude ocjenjena sa minimalno 60 bodova, dok maksimalan broj bodova koji može biti dodijeljen od strane komisije koja vrši vrednovanje i rangiranje prijava iznosi 100 bodova.

#### V.

Vrednovanje i rangiranje projekata pristiglih na Javni poziv vrši posebna komisija koju imenuje ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona. Komisija razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uslova i kriterija za odobravanje projekta i prijedlog dostavlja ministru koji donosi konačnu Odluku o korisnicima sredstava.

#### VI.

Instrukcija stupa na snagu danom donošenja, a objavit će se na službenoj stranici Zeničko-dobojskog kantona.

Broj: 12-19-10238-INS/19

Zenica, 10.07.2020.godine

**MINISTAR**

**Arnel Isak**